



Inatsisartunut Ilaasortaq Anthon Frederiksen, Partii Naleraq
Inatsisartut Allattoqarfiat
/Maani

Indgået

24 FEB. 2017

NAMMINERSORLUTIK OQARTUSSAT
GRØNLANDS SELVSTYRE
INATSISARTUT ALLATTOQARFIAT
BUREAU FOR INATSISARTUT
BOX 1060 - 3900 NUUK

§ 37 naapertorlugu apeqqut nr 68-2017-imut akissut

20-02-2017
Suliap nr. 2017 -3683
All nr 3220986

Asasara Anthon Frederiksen,

Ingerlatseqatigiiffiit Namminersorlutik Oqartussanit pigineqartut taakkulu sulisuminnut ingerlatsisarneri pillugit Inatsisartut suleriaasianni § 37 naapertorlugu Naalakkersuisunut apeqquteqaateqarputit. Apeqqutigisatit uannit akisassanngortinneqarsimapput.

Postboks 1015
3900 Nuuk
Oqarasuaat (+299) 34 50 00
Fax (+299) 32 50 02
E-mail: govsec@nanoq.gl
www.naalakkersuisut.gl

Apeqqutigineqartunut ataatsimut oqariatuutitut pingaarnertut oqaatigisinnaavara ingerlatseqatigiiffinni namminersorlutik oqartussanit pigineqartuni sulisunut tunngatillugu aalajangiinernut Naalakkersuisut akuleruttussaangimmata. Taamaaliornermi Naalakkersuisut ingerlatseqatigiiffillu pisortaasa akornanni tamakkiisumik periusissat akisussaaffillu pillugit isumaqatigiissutaasimasunik akimuinerussammat taamatullu akulerunnissamut Naalakkersuisut piginnaatitaangimmata.

Apeqqutigineqartunut tunngatillugu imaattunik akissuteqassaanga:

1. Kalaallit ilinniarsimasut aamma pisortat pisortani atorfillit eqqunngitsumik tunngaveqarluni soraarsitaasanninnissaat qulakkeerniarlugu Naalakkersuisut, suliffeqarfinnut aalisariutinullu Namminersorlutik Oqartussanit pigineqartunut najoqqutassanik aaliangersimasunik peqarpaat?

Akissut:

Eqqunngitsumik tunngavilimmik soraarsitsisarnerit pinngitsoorneqassappata tunngavissaq pingaarnerpaaq tassaavoq atorfillip sulisitsisullu akunnerminni isumaqatigiissutigineqartartut maleruagassallu tassunga tunngasut, taakkumi aqqutigalugit sulisut inatsisitigut illersorneqarlutik inissisimanissaat qulakkeerneqartarmat. Ingerlatseqatigiiffinnut namminersorlutik oqartussanit pigineqartunut tunngatillugu tunngavissat pineqartut ilaatigut tassaapput ingerlatseqatigiiffiit pillugit inatsit, sulisitsisut atorfillillu akornanni inatsisitigut atugassarititat pillugit Inatsisartut inatsisaat kiisalu atorfilinnut pineqartunut tunngatillugu akissarsiat pillugit isumaqatigiissutit isumaqatigiissutillu allat.

Eqqunngitsumik tunngavilimmik soraarsitsisarnerit pinngitsoorniarlugit aalajangersimasumik maleruagassaliornissaq tamatuma kingunerisaanik

Naalackersuisunit pisariaqanngitsutut isumaqarfigineqarpoq. Naalackersuisut isumaqarput sulisartut atugarisaat pillugit inatsisit isumaqatigiissutillu atuuttut sulisartut illersorneqarnissanut inatsisitigullu illersorneqarnissat eqqarsaatigalugittaaq naammattut. Tassunga atatillugu Naalackersuisut pingaartillugu oqaatigissavaattaaq suliffeqarnermi illuatungeriit isumaqatigiissutigisimasaat ajornanngippat naalackersuinikkut akuleruffiginaveersarneqartariaqarmata.

Ingerlatseqatigiiffiit namminersorlutik oqartussanit pigineqartut ingerlatseqatigiiffinni ingerlatsilluarnissamut maleruagassaqarputtaa, maleruagassallu tamakku ingerlatseqatigiiffinnik ingerlatsinermi Naalackersuisullu ingerlatseqatigiiffinnik piginnittutut ingerlatsineranni sakkusaapput pingaarutillit. Ingerlatsilluarnissamut maleruagassat Naalackersuisut nittartagaanni takuneqarsinnaapput (<http://naalackersuisut.gl/kl-L/Naalackersuisut/Naalackersuisoqarfiit/Naalackersuisut-Siulittaasuata-Naalackersuisoqarfia/Bestyrelsessekretariatet/Retningslinjer-for-god-selskabsledelse>).

2. Kalaallit ilinniarluarsimasut Namminersorlutik Oqartussat suliffeqarfiutaanni aalisariutaannilu pisortassatut atorneqarnerulernissaat anguniarlugu Naalackersuisut pilersaaruteqarpaat ?

Akissut:

"Namminersorlutik Oqartussani aktiaateqarluni ingerlatseqatigiiffinni tamakkiisumik ilaannakortumilluunniit pigineqartuni piginnittuunermut tunngasut taakkunanilu ineriartorneq pillugit nassuiaat"-imi Inatsisartut 2011-imi ukiakkut ataatsimiinneranni, taperserneqarluarpoq suliarineqartumilu ilaatigut kapitali 3-imi allassimavoq ingerlatseqatigiiffiit ineriartornermi peqataasasut aammalu piginnaasanik pingaarnernik Kalaallit Nunaanni pigiliunneqartussanngortitsinissaq taamanikkut Naalackersuisuusut pingaartikkaat. Inassuteqaatigineqarsimasoq tamanna suli atuuppoq.

Tamatuma saniatigut Siumut, Inuit Ataatigiit aamma Partii Naleraq ukiuni 2016 - 2018 atuuttussamik naalackersueqatigiinnissamik isumaqatigiissutaanni oqaasertat innersuussutigissavakka. Tassani ilaatigut atuarneqarsinnaavoq kilisaassuarni avataasiutini kalaallit naalakkatut aquttutullu naammassereersimasut salliutillugit atorneqarnissaat Naalackersuisut sulissutigissagaat. Tassunga tunngatillugu suliffeqarfiinut pisortanit pigineqartunut ingerlatseqatigiiffinnullu namminersortunit pigineqartunut atugassarititat piumasaqaatillu assigiipput.

Apeqqutigisaannut akissutigisanni aallarniutitut oqaatigisakka innersuussutigalugit erseqqissaatigeqqissavara ingerlatseqatigiiffinnut namminersorlutik oqartussanit pigineqartuni sulisunut tunngatillugu aalajangersakkat Naalackersuisunit akuleruffigineqarsinnaanngimmata Naalackersuisut taamaaliornissamut piginnaatitaanngimmata. Atorfinitsinerit ataasiakkaat "ingalassimaartitsinissamik periuseq" tunngavigaluguingerlatseqatigiiffiit namminneerlutik akisussaaffigimassuk aammalu ingerlatseqatigiiffiit ingerlanneqarnerinut tunngasut Naalackersuisunit

akuleruffigineqarneq ajormata ingerlatseqatigiiffiit Namminersorlutik Oqartussanit tamakkiisumik ilaannakortumilluunniit pigineqaraluarpataluunniit.

3. Pilersaarutit suuppat ?

Akissut:

Akissutitut apequt 2-mut akissutigineqartoq innersuunneqarpoq.

Apeqqummut saqqummiunneqartumut allanik oqaaseqaatissaqanngilanga.

Inussiarnersumik inuulluaqqusillunga
Inussiarnersumik inuulluaqqusillunga



Kim Kielsen